



ATA OFICIAL DI KUMITÉ SKULAR DI BOSTON Grupo di Trabajo di Admison di Exame Escolar

tersa-fera, 4 di Maiu di 2021

Forsa Tarefa di Admisons na Skolas di Izami Escolar di Kunité Skular di Boston rializa um riunion rimotu na dia 4 di Maiu di 2021, 17:00 na Zoom Pa mais informason sobri qualquer di itens listados abaixo, visita <https://www.bostonpublicschools.org/esataskforce>, email feedback@bostonpublicschools.org o tchoma pa Escritório di Kunité Escolar di Boston pa (617) 635-9014.

PRIZENSA

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Samuel Acevedo; Acacia Aguirre; Simon Chernow; Matt Cregor; Tanya Freeman-Wisdom; Katherine Grassa; Zena Lum; Zoe Nagasawa; Rachel Skerritt; Rosann Tung; y Tamara Wait.

Pesual di BPS Prizenti: Monica Roberts, Chefi di Estudos, Família e Promoson di Komunidad; e Monica Hogan, Diretora Executiva Sénior di Gabinete di Dados e Responsabilizason.

DOCUMENTOS APRESENTADOS

[Agenda](#)

[Ata di Riunion: 27 di Abril di 2021](#)

ABERTURA FORMAL

Sr. Contompasis convoca reunion pa ordena. El anuncia que estaba disponíveis serviços di interpretason simultânea na Espanhol, Krioulo Haitiano, Kabuverdiano, Vietnamita, Cantonês, Mandarim, Português, Somali, Arabe e Língua Gestual Americano (ASL); intérpretis ta apresenta es mesmo e es da instruson na se língua materno sobri modi acedi interpretason simultâneo atraves di mudança na canal Zoom.

Sra. Parvex fazi chamada. Sr^a. Aguirre, Dr. Freeman-Wisdom, Sr^a. Lum txiga dipos di xamada.

APRUVASON DI ATA DI RIUNION: tersa-fera, 27 di Abril di 2021

Apruvadu— Forsa Tarefa aprova pa unanimidadi ata di riunion di Forsa Tarefa di tersa-fera, 27 di Abril di 2021 sobri Admisons a Skolas di Izami.

APRIZENTASON:

Chris Minnich, Direktor Izikutivu; Jeanine Edwards Izikutiva di Kontas Sénior di Kontas Stratéjiku; John Barbato, Jestor di Kontas Stratéjiku; Beth Tarasawa, Visi-Prizidenti Izekutivu di Investigason; Jeff Enoch, Visi-Prizidenti Izekutivu di Kontas di Parserus; Fred McDaniel, Visi-Prizidenti Izekutivu di Avaliasion; y Sherry DeSimone, Visi-Prizidenti di Kontas Stratéjiku di NWEA, stevi prizenti na riunion pa da un vizon jeral di Avaliasion di Kresimentu di MAP.

Mr. Minnich aprizenta ikipa y é da un anplu vizon jeral di avaliasion di MAP. É splika ma MAP podi ser utilizadu komu un feramenta pa garanti ma alunus teni kapasidadi di mostra ma es podi ser ben susididu na ambientis undi kes sa ta bai ser kulokadu. É fla ma NWEA sta na topu di industria en termus di utilizason di infurmason pa mitiga inviezamentu na si avaliasion, ma é fla tanbe ma es ka ta kridita ma MAP, o kualker otu avaliasion pa es ifeitu, debi ser utilizadu komu uniku midida, o mesmu midida priduminanti na kualker desizon di admison.

Sr. Acevedo purgunta sobri diferensa entri MAP y ISEE y é pidi konsedju di NWEA sobri kriason di un prusesu infalivel. Sr. Minnich splika ma métrikas di kresimentu di MAP é kes midjor di setor y ma distritu podia uzaba kresimentu komu parti di métrikas ki es podi kre konsidera. É fla tanbe ma é ta atxa ma Forsa Tarefa ka debi dipendi apenas di akadémikus pa kria un prusesu di admison.

Dr. Tung kria sabeba ki stratéjias ki NWEA ta utiliza pa impidi industria di preparason di testid dizenvolvi kursus ki ta aumenta disparidadi di pontuason y tanbe si MAP podia ser uzadu komu un testi pa avaliasion di altu risku au mesmu tenpu ki un avaliasion furmativu di baxu risku. Sr. Minnich da un vizon jeral di mididas ki NWEA toma pa pruteji si Prupriedadi Intelektual y é fla ma ka podi djugadu testi y ma NWEA ta bai trás di inprezas di preparason di testi. É splika tanbe ma testi é válidu tantu pa ifeitus di avaliasion di altu risku komu pa avaliasion furmativu di baxu risku.

Sr^a. Skerritt purgunta si NWEA ta xintiba kunfianti na kapasidadi di testi di avalia si un alunu sa ta rializa nivel di kualifikason y kontiudu di nivel skular na ELA y matemátika relativamenti a padrons di Massachusetts. Risposta foi ki avaliasion di MAP sta alinhadu ku normas di MCAS.

Sr. Creggor purgunta modi ki kresimentu podia ser utilizadu y si un alunu tinha ki fazeba testi dos ves pa dimonstra kresimentu. Sr. Minnich fla ma, pa utiliza kresimentu, distritu tinha ki izijiba alunus pa fazi testi más ki un ves.

Sr. Chernow kria má infurmason sobri klasifikason y skala y Sr. McDaniel splik amodi ki es ta interpreta pontuasons y es ta furnesi un klasifikason persentual pa kada alunu.

Sr^a. Grassa purgunta sobri avaliasion di kresimentu di MAP komu un preditor di MCAS y Sr. McDaniel splika si studu di ligason entri MCAS y MAP. É konklui ma es ten un ilevadu grau di susesu na privé undi ki un alunu ta bai kaíba en relason a si nivel di profisiensi na MCAS.

Sr. Contompasis kria konfirmaba si era pusivel determina ano-a-ano si un alunu sa ta ten un dizenpenhu spetével a nivel di grau, o superior, ku testi MAP, y si distritu podia ditirminaba prontidon di grupu di kandidatus, asumindu mes ta setaba rikumendason di ki alunus debi sta na nivel di grau o asima. Sr. Minnich fla ma kela era pusivel.

Sr^a. Grassa purgunta na ki janela distritu tinha ki administraba testi di MAP dos ves si es kizesi uzaba un midida di kresimentu komu parti di prusesu di admison. Sr. Minich fla ma tinha ki ten tenpu suficienti entri testis y é inkuraja distritu na pensa en utiliza midida di kresimentu, pamo é ta kriditaba ma podia ser ifikas, spesialmenti pa alunus ki stivesi ta dizenpenha o ta kresi más rápidamenti ki otus alunu. É splika tanbe diferenza entri midida di kresimentu y midida di rializason ki é utilizadu pa klasifika alunus.

Dr. Tung purgunta si NWEA podia furniseba studus sobri validadi priditivu di testi di Kresimentu di MAP pa admisons skular siletivu en termus di GPA o graduason a tenpu, pa rasa, statutu sosio-ikunómiku, jéneru, etc. Sr. Minnich fla ma NWEA ka tinha rializadu kes studus y nen me ka tinha kunhisimentu di distritus ki tinha fetu el.

Dr. Tung pidi pa ten más infurmasons sobri análizi di inparsialidadi y prikonseitu. Sr. McDaniel splika tudu pasu kes ta da, sima virifikason y furmason di eskritoris en materia di prikonseitus di sensibilidadi y di justisa; furmason ki foi rivistu pa ajensias spesializadu esternu; y feramentas di listas di virifikason pa virifika di forma intensiunal y próativu, izistensia di kontiudus tendensiozu. É splika tanbe ma es ta ifetua análizis statistiku pa determina si itens ta aprizenta dizenpenhu diferenti pa diferentis subgrupu. Es teni tanbe un painel sensivel y inparsial konpostu pa menbrus di paineis esternu ki ta analiza pasajens ki sta inkluidu n atudu sis iten di leitura.

Dr. Tung tanbe purgunta si tinha dadus dispunivel pa odja ki lakunas di oportunidadi ki NWEA tinha dukumentadu pa testi. Sr^a. Tarasawa fla ma sis kulaburason ku diferentis entidadi pa analiza padrons di rializason au longu di tenpu y pa diferentis grupu rasial y dizenpenhus, y é da alguns otu rikursu ki NWEA sa ta trabadjaba pes partilhaba ku Forsa Tarefa.

Sr^a. Sullivan konklui ta fla ma objetivu era asigura ma es tinha fetu tudu kel kes podeba pa minimiza prikonseitu y mitiga kontra prikonseitu.

Sr. Contompasis aprizenta Sr. Keating, adivogadu di Foley Hoag LLP., ki da un brevi vizon jeral di desizon di Tribunal di Rikursu en relason a liminar ki foi aprizentadu pa keixozus sobri *Boston Parent Coalition for Academic Excellence Corp. v. School Committee of the City of Boston, et al.*, (*Kuligason di Pais di Boston pa Iselensia Akadémiku Korp. v. Kumité Skular di Sidadi di Boston, et al.*) y é splika inpaktu ki keli podia ten na trabadju di Forsa Tarefa.

KUMENTÁRIU DI PUBLIKU EN JERAL

- Rachel Miselman, rizidenti na East Boston, Kuligason di Pais di Boston pa Iselensia

Akadémiku (BPCAE), tistimunha sobri rizultadus di admisons pa Anu Letivu di 2021-2022, y sobri skolas di alimentason.

- Li Cass, rizidenti na Chinatown, pai di Josiah Quincy Upper School (JQUS), tistimunha sobri diferensas akadémiku di kada skola y sobri rizultadus di admisons pa Anu Letivu di 2021-2022.
- Joy Mcdonald, pai, tistimunha sobri rizultadus di admisons pa Anu Letivu di 2021-2022 y listas di spera pa skolas di izami.

KUMENTÁRIUS FINAL

Sr^a. Sullivan informa menbrus ma Ko-Prizidentis ta speraba risebi infurmasons sobri ofertas di admison ki tinha sidu inviadu. É fla ma ta serba inpurtanti pa Forsa Tarefa di riveba dadus pes pudia intendeba midjor inpaktu di pulitika pruvizóriu sobri alunus na sidadi interu.

Sr. Contompasis pidi distritu pa dexaba klaru pa tudu algen ma es tinha sidu dilijenti na rispondi a kualker priokupasons rilasiunadu a konvitis. É pidi tanbe pa Forsa Tarefa risebi un kópia en branku di karta di konviti. Sr^a. Sullivan kistiona utilidadi di risebi karta, ma é ka opoi.

ADIAMENTU

Pa volta di 19:15, Kumité vota pa unanimidadi, pa xamada numinal, adiamentu di riunion.

Atestadu:



Lena Parvex
Asistenti Administrativu